





彭王倡和序

蓋聞詩三百篇半錄閨房之什古十九首多存嬖婉之

言楚客行吟援美人以喻君子陳思作賦假窈窕女以寫

深情固有惜艷追歡留連紅粉豈無含忠履孝諷託青


絲宛轉橋頭寄芳懷于瓊玖溫柔鄉裏結貞義于松筠

詞擅羅敷罔乖大雅文工宋玉差擬離騷彼城闕中唐

纖纖莫刪于尼父詎前溪子夜盈盈獨訕于小兒歷代

英流當今才彥無不借畫眉之筆杼軸琴心且將臨裝

鏡之臺描摹屢響矣我友王子貽上表泱泱于齊風彭





子駿孫振翩翩于越雋班荆燕市推如江如海之才濡  
墨旅人集傾國傾城之句叢蘭飛蝶憐斷帶于靡蕪秋  
草流螢續哀枯於懸碎影入解璫之渚語倩青樓裙飄  
辟惡之香神馳紫陌纖纖素或嗟手爪不如桃葉桃  
根永歎風波未渡江淹麗調微輦與巧笑俱傳庾信新  
聲冶袖與長裾並韻伊其相謔贈惟芍藥之花聊以言  
情酬必葡萄之錦洵矣體同閨怨妙等香奩致光掩思  
義山遜藻者也魏里同學弟魏學渠子存氏題

彭王倡和

無題詩同駿孫賦

王士禛 貽上

雲母屏風玉女屏上清名字見應稀花浮綺疏初移鏡  
香暖薰籠欲換衣促坐定知寒乍劇餘魂猶憶夢相依  
隴西上計前宵去聽盡瓊籤懶下幃

又

堂前七十二鴛鴦桂樹生花各着行香霧霏微更乍歇  
銀河清淺夜初長卸頭頻促挑燈坐帶酒難勝拂簾涼  
惆悵青春忽十載不禁團扇掩啼妝



又

青瑣蕭晨碧蘚滋。新鶯新絮殿春時。似疎更密蘋花雨。  
已落猶開荳蔻枝。洛浦神人工拾翠。魏家公子妙彈棋。  
此中便擬長生約。閨苑蓬山那得知。

又

纔過襖節罷秋千。到眼流光倍解憐。柳絮橫塘三尺水。  
梨花簾幙午時煙。綠熊簟冷殘春後。白鶴香濃繡佛前。  
愛寫名經耽慧業。不知人月共嬋娟。

又

深沉院落景初遲。宿酒猶醺倦起時。爲怯夜寒生屈戌。  
從教花影亂。呆思如聞長嘆。眠初覺。乍識餘香。慢尚垂。  
解道游仙真夢裏。好將悵寄紅蕤。

又

輕雷含雨過增城。人別金塘花氣清。心似西陵窠柘老。  
愁如東冶暮潮生。垂楊百結空縈恨。屬玉雙飛若有情。  
從此銀河漸迢遞。廣寒樓閣罷吹笙。

又

十二瓊樓碧玉居。西風消息眇愁予。青陵有鵲能求侶。



丹水無魚莫寄書  
鬢影欹斜迴夢後  
衣香縹緲洗妝初  
縱教妙筆煩周昉  
寫遍生綃恐未如

又

曾記殘宵有夢通  
花陰深鎖戟門東  
三春怨結蕉心碧  
五夜愁銷燭淚紅  
親試畫眉明鏡裏  
詭聞響屣曲廊中  
方山亭下江津水  
自此蘭橈逐斷鴻

又

珠閣金屏暑氣收  
深閨午夜待牽牛  
三叢繚繞蒲爲鍛  
七寶光明玉作鈞  
天上碧雲方薄暮  
人間紅杜易驚秋

壽陽曲水清如鏡  
那得淮波一處流

又

玉堦紅藥號將離  
花信風輕解盡吹  
泪似湘君留鳳竹  
情如園客作蠶絲  
拚爲蜀纈沾殘粉  
願學吳綾印口脂  
何日渡江雙桂檝  
青溪同拜小姑祠

又

千騎東方上洛遊  
王孫芳草又中洲  
龍鬚作席承歡寢  
鵲腦爲燵伴妾愁  
何處曉雲迷楚國  
依然明月滿秦樓  
連波音信年年隔  
錦字機中別幾秋



又

長干一去路迢迢。憶別秦淮第幾橋。子夜有時新曲改。甲煎無篆。舊香消。梅根冶裏春逢信。蘭葉舟中晚趁潮。不分南朝官柳色。風前減盡楚宮腰。

無題詩次阮亭韻

彭孫遹

駿孫

犀押重簾玉作扉。芳踪髣髴夢來稀。金爐夜燼猶偎枕。繡被朝寒未解衣。幄裏餘香空旖旎。幢前私願好皈依。蟾宮月姊應相笑。留取幽輝伴綺幃。

又

銀箭遲遲正未央。紫鴛兩兩已成行。懷人獨坐嫌宵永。待夢頻來欲夜長。斜月窺窗屏半掩。行雲何處幙虛涼。征鴻迢遞文鱗絕。減盡深閨窈窕妝。

又

春深朱戶映芳滋。彷彿江皋解佩時。蜂穉故殘含蕊色。鶯嬌偏宿斷腸枝。夜吟初試青鏤管。午睡閑拋煖玉基。願得相看成白首。風情長遣兩心知。

又

回首墉宮路幾千。黃壚終不罷相憐。玉臺醜面濡薺露。



羅帳更衣徒桂燼未續蘭心償夢裏欲抽蕉緒避人前  
紅箋手署卿卿字記得芳名是麗娟

又

玉壺滴罷夜眠遲華簾初水擁被時霜色漸侵金鑿落  
月陰乍轉碧朶恩重簾不啓鈎雙約小篆將殘幔四垂  
何事秋來長作客紅蘭白露減芳蕤

又

憶得星駟下碧城鳳簫淒楚獸煙清心香小誓甘同歿  
眉嫵良緣結再生花頰露濃真解語柳腰風細不勝情

曲江莫是銷魂處腸斷銀河玉女笙

又

玉女湘妃別院居芳時邂逅一華子中宵銀臂酬私誓  
小字簪花作報書蕙帳獨憐人去後桂輪又見月生初  
金屏却憶當年夢爲雨爲雲總未如

又

柔腸宛轉若爲通縹緲神山小院東曉嶂乍添眉暈綠  
夜稠新減臂妝紅難傳密約烏絲裏好譜相思鳳紙中  
何日與卿同舉案吳儂廡下老梁鴻



又

璧月金鋪轉葦收。九微仙帳掩青牛。盧家錦瑟初調曲。  
石氏香塵不印鈎。自整芳衾迎好夢。空施小簾待新秋。  
吳江越水知無際。何得同來枕畔流。

又

生翠文鴛不暫離。參差鳳管好同吹。燈懸珠蚌新垂焰。  
衣剪冰蠶舊絡絲。折盡南塘紅菡萏。妝成北地紫臙脂。  
武皇未解當年意。卻遣蓬萊太乙祠。

又

西風雙槩帝城遊。憔悴茗華杜若洲。幽夢細尋行雨路。  
新眉長結晚山愁。珠娘寂寞鮫人淚。簫侶淒涼鳳女樓。  
小媛輕寒深院裏。懊儂情思是三秋。

又

夢迴芳草碧迢迢。星渚依稀舊鵲橋。堤外垂楊眠未起。  
花間睡蝶粉初消。重來畫閣聽春雨。相送蘭舟逐暮潮。  
兩地朱顏憔悴老。徐娘顏色沈郎腰。





